



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De eadem re. xl.

urn:nbn:de:hbz:466:1-10722

D. BURCHARDI. EPIS. VVORMAC.

enim eis licebit ultra militiæ cingulum sumere, & nuptiis atq; coniugij copula uti, quia sacri canones hoc eis non consentiunt.

De illis qui infantes suos non sponte interficiunt.

Caput XXXVI.

*Ex cõcil.
Triburi.
cap. 21.*

SI quis filium suum non sponte occiderit, iuxta homicidia non sponte commissa pœniteat.

De illo qui uxorem legitimam sine iudicio interfecerit. Cap. XXXVII.

*Ex decre.
Pij papa.
cap. 26.*

QUicumque propriam uxorem absque lege, vel sine causa & certa probatione interfecerit, aliamque duxerit uxorem, armis depositis publicam agat pœnitentiã. Et si contumax fuerit, & episcopo suo inobediens extiterit, anathematizetur, quousque consentiat. Eadem lex erit illi, qui seniore[m] suum interfecerit.

De eadem re. Cap. XXXVIII.

*Ex cõcil.
Moguti.
cap. 1.*

SI maritus uxorem, aut uxor maritum interfecerit, ac iudicium sit super eos, dicente domino: Non confidetes personam pauperis, nec honores vultu potentis. Et post pauca: Ita, inquit, paruum audietis ut magnum, nec accipietis cuiusquam personam, quia Dei iudiciu[m] est. Idcirco uterque eorum in huiuscemodi criminis actione negauerit, pari iudicio examinetur. Si negauerit & non potest vinci manifestis indiciis, si liber est, iuret cum duobus cim: si seruus, feruenti ferro se purget. Sin autem uxor moriens maritum vno vel duobus audientibus de morte eius inculpauerit, non ideo erit victus, sed si liber est, cum LXII. iuret: si seruus, super XII. vomeres feruentes se purget. Eadem lex erit marito, uxorem accusanti.

De eadem re. Cap. XXXIX.

*Ex concil.
Elbertã.
cap. 85.*

SI mulier maritum suum causa fornicationis veneno interfecerit, aut quacunque arte perimere facit, quia dominum & seniore[m] suum occidit, seculum relinquat, & in monasterio pœniteat.

De eadem re. Cap. XL.

*Episto.
Paulini*

Admonere te cum lachrymis & multo gemitu curam filii. Hei tulle, si tamen filius dici debeas, qui tam

crudeliter infelix homicidium perpetrasti. Nam occidisti uxorem tuam partem corporis tui, legitimo tibi matrimonio sociatam sine causa mortis, non tibi resistentem, non insidiantem quoquo modo vitæ tuæ. Non inuenisti eam cum alio viro nefariam rem facientem, sed incitatus à diabolo, impio inflàmatus furore, latrocinij more, atrocior & crudelior omni bestia, eam gladio tuo interemisti. Et nunc post mortem eius addis iniquitatem super iniquitatem, filiorum tuorum improbe prædo, qui matri non pepercisti, & filios tuos ideo orphanos fecisti, vt superinduceres mortis causam post mortem: & per vnum homicidam, & reprobum testem incusare vis mortuam: hoc nec Euangelium, nec vlla diuina humanaq; lex concedit, vt vnus testimonio etiam idoneo, aliquis condemnetur, vel iustificetur: quãto magis per istum tam flagitiosum & sceleratum, nec illa viuua debuit cõdemnari, nec tu poteris post eius mortem excusari? Prius causa criminis subtiliter erat inuestiganda, & tunc si rea fuisset inuenta, secundum legis tramitẽ debuit excipere vltionis vindictam. Nã etsi verũ, quod absit, fuisset, sicut ille adulter mentitus est, post VII. annos pœnitentia peracta, dimittere eam per approbatam causam poteras si voluisses, occidere eam nullatenus debuisti. Duo consilia proponimus tibi. Accepta tecum deliberatione duorum, elige magis quod placeat. & miserere animæ tuæ. Et tu hic in isto angusto tempore positus, ne sis tu ipse tuimet homicida, & in æternum pereas, relinque hoc malignum seculum quod te traxit ad tam immanissimum peccati facinus. Ingredere monasterium, humiliare sub manũ abbatis, & multorum fratrum precibus adiutus, obserua cuncta simplici animo quæ tibi ab abbate fuerint imperata, si fortẽ ignoscat infinita Dei bonitas peccatis tuis. Istud consilium vt certissimẽ scias leuius & salubrius est, vt sub alterius custodia lugeas deslenda peccata. Secundum autem consilium tale est. Arma depone, & cuncta secularia negocia dimitte. Carnem & sagimen omnibus diebus vitæ tuæ non comedas, excepto vno die Resurrectionis domini, & vno die Pentecostes, & vno die Natalis domini. cæteris temporibus in pane & aqua, & interdum leguminibus & holeribus pœniteas: in ieiuniis, in vigiliis, & in orationibus, & in eleemosynis perseue-

*Poro Iu-
liensis ep̃i
scopi ad
Hecistul-
sum.*

D. BURCHARDI EPIS. VVORMAC.

ra omni tempore. Vinum, medonem, & mellitam ceruisiam nunquam bibas, nisi in illis prædictis tribus diebus. Vxorem ne ducas, concubinam non habeas, adulterium non facias, absque spe coniugij perpetuò permanes. Nunquam te laues in balneo, equum non ascendas, causam tuam & alterius in conuentu fidelium non agas, in conuiuiis lætantium nunquam sedeas, in Ecclesia segregatus ab aliis Christianis post ostium humiliter stes, ingredientium & egredientium orationibus suppliciter te commendes, communionem sacri corporis & sanguinis domini cunctis diebus vitæ tuæ indignum te existimes. In ultimo termino vitæ tuæ pro viatico, si obseruaueris consilium, ut accipias, tibi concedimus. Sunt & alia multa duriora quæ tibi iuxta pondus tanti facinoris essent adiicienda: sed si hæc omnia quæ suprâ misericorditer dicta sunt, perfecto corde Deo auxiliante perfeceris, & custodieris, confidimus de immensa Dei clemētia, remissionem tuorum peccatorum habiturum, & secundum boni iustique pastoris imperium, resoluat te sancta Ecclesia ab hoc vinculo peccati in terris, ut per ipsius gratiam qui eam suo sanguine redemerat, sis solutus in cœlis. Si autem aliter feceris, & sanctæ matris Ecclesiæ salubre consilium despexeris, ipse tibi sis iudex, & in laqueo diaboli quo irretit⁹ teneris maneat, sanguisque tuus sit super caput tuum: nos alieni cōsortio tuo, & sub indissolubili anathemate permanes, donec Deo, & sanctæ Ecclesiæ satisfacias.

De vxore mariti mortem conciliante. Cap. XLI.

*Ex cōcil.
apud Ver
uerias,
cap. 3.*

SI qua mulier mortem viri sui cum aliis conciliata est, & ipse vir aliquem illorum se defendendo occiderit, & si hoc probare potest ille vir eam ream esse consilij, potest ut nobis videtur, ipsam vxorem dimittere, & si voluerit aliam vxorem accipere, ipsa autem insidiatrix, penitentia subiecta, absque spe coniugij maneat.

De hoc, si plures vnum impugnaverint. Cap. XLII.

*Ex eodē
concilio,
cap. 98.*

SI quatuor aut quinque homines seu etiam plures, contra vnum hominem rixati fuerint, & ab his vulneratus mortuus fuerit, quicumque eorum ei plagam imposuit, secundum statuta canonum ut homicida iudicetur, reliqui